

Headline	Tabung Haji cawangan Tanjung Malim mula beroperasi		
MediaTitle	Utusan Malaysia		
Date	19 Apr 2018	Color	Full Color
Section	Dlm Negeri	Circulation	171,663
Page No	13	Readership	563,000
Language	Malay	ArticleSize	459 cm ²
Journalist	NUR FATIEHAH ABDULRASHID	AdValue	RM 9,155
Frequency	Daily	PR Value	RM 27,465



Tabung Haji cawangan Tanjung Malim mula beroperasi

Oleh NUR FATIEHAH
ABDUL RASHID
pengarang@utusan.com.my

KUALA LUMPUR 18 April - Cawangan Lembaga Tabung Haji (TH) Tanjung Malim dirasmikan hari ini, sejajar dengan inisiatif TH menyediakan perkhidmatan lebih baik dan selesa kepada komuniti setempat dan di sepanjang Perak serta Selangor.

Ahli Lembaga Pengarah TH, Datuk Rosni Sahar berkata, pembukaan cawangan itu akan memberi manfaat kepada lebih 22,000 pendeposit TH dan bakal jemaah haji di sekitar daerah berkenaan.

"Para pendeposit yang mempunyai akaun TH yang tidak aktif dinasihatkan untuk mengaktifkan akaun masing-masing dengan melakukan transaksi simpanan ataupun pengeluaran.

"Pengaktifan akaun ini bagi membolehkan para pendeposit TH mendapat semua manfaat serta hibah tahunan atau hibah haji," katanya dalam kenyataan di sini hari ini.

Turut hadir, Pengarah Urusan Kumpulan dan Ketua Pegawai Eksekutif TH, Datuk Seri Johan Abdullah dan Timbalan Ketua Pegawai Eksekutif TH, Datuk Badlisyah Abdul Ghani.

Tambah beliau, akaun-akaun yang tidak mempunyai sebarang transaksi selama tujuh tahun akan diklasifikasi sebagai tidak aktif dan tidak layak untuk



ROSNI SAHAR (dua dari kanan) memotong riben perasmian pejabat Tabung Haji Cawangan Tanjung Malim, Perak, sambil disaksikan Johan Abdullah (dua dari kiri) dan Badlisyah Abdul Ghani (kanan), semalam.

menerima sebarang manfaat.

Selain membuka akaun, cawangan TH Tanjung Malim turut menyediakan perkhidmatan lain termasuk urusan berkaitan haji, simpanan dan pengeluaran, hibah amanah dan penamaan waris.

"TH sentiasa komited dalam memberi perkhidmatan kepada masyarakat Islam selaras dengan visinya menjadi tonggak kejayaan ekonomi ummah selain diharap dapat memberikan akses terbaik kepada para pendeposit dalam memperkasa

dan mempertingkatkan kualiti perkhidmatan.

"Sebagai langkah meningkatkan kualiti perkhidmatan yang berterusan, TH akan sentiasa mengambil perhatian terhadap segala maklum balas daripada pendeposit dari masa ke semasa," kata Rosni.

Para pendeposit yang mempunyai sebarang pertanyaan berkaitan perkhidmatan TH, boleh berhubung terus dengan TH Contact Centre (THCC) di talian 03-6207 1919 atau e-mel th-info@lth.gov.my.



JOHAN ABDULLAH (berdiri, tiga dari kiri) dan Rosni Sahar (berdiri, empat dari kanan) bermesra dengan seorang pendeposit semasa pembukaan pejabat Tabung Haji Cawangan Tanjung Malim, Perak, semalam.